

PRIVREMENE SMJERNICE POLITIKE ZA PROVOĐENJE ENERGIJSKE EFIKASNOSTI U FEDERACIJI BOSNE I HERCEGOVINE

Ovim dokumentom utvrđuju se Privremene smjernice politike za provođenje energijske efikasnosti u Federaciji Bosne i Hercegovine za sve učesnike u ovom sektoru uključujući i privremene smjernice u oblasti energijske efikasnosti za kantone u Federaciji Bosne i Hercegovine s ciljem definisanja pravaca i aktivnosti za realizaciju dugoročnih ciljeva u sektoru energijske efikasnosti Federacije Bosne i Hercegovine kao i uspostavu procesa funkcionisanja ovog sektora u kontekstu međunarodno preuzetih obaveza kroz Ugovor o uspostavi Energetske zajednice JIE.

I ZAKONSKA OSNOVA ZA IZRADU POLITIKE ZA PROVOĐENJE ENERGIJSKE EFIKASNOSTI:

A. Članom 11. (Strategija energijske efikasnosti) Zakona o energijskoj efikasnosti Federacije BiH (u daljem tekstu: Zakon) definisano je:

(1) Strategija energijske efikasnosti je sastavni dio Energetske strategije Federacije Bosne i Hercegovine.

(2) Strategija se sastoji od:

a) Politike za provođenje energijske efikasnosti;

b) Strateškog plana za implementaciju ciljeva energijske efikasnosti koji sadrži:

1) indikativne ciljeve za uštedu energije;

2) smjernice za postizanje indikativnih ciljeva;

c) Akcionog plana koji definiše implementaciju strateškog plana.

(3) Ministarstvo izrađuje, Vlada predlaže, a Parlament Federacije Bosne i Hercegovine donosi Strategiju.

(4) Strategija se usvaja za period od najmanje deset godina.

(5) Politika i strateški plan se donose za period od najmanje deset godina, razmatraju se najmanje svake dvije godine i ažuriraju po potrebi, a izmjene i dopune istih se vrše po proceduri iz stava (3) ovog člana.

(6) Strategija utvrđuje nivo i način obezbjeđenja finansijskih sredstava potrebnih za ispunjenje indikativnih ciljeva za uštedu energije.

(7) Do donošenja Politike za provođenje energijske efikasnosti Ministarstvo priprema, Vlada donosi, a Parlament Federacije Bosne i Hercegovine daje saglasnost na privremene smjernice politike za provođenje energijske efikasnosti, u roku od 60 dana od dana stupanja na snagu ovog zakona.

(8) Odluka iz stava (7) ovog člana se počinje primjenjivati nakon dobijanja saglasnosti od Parlamenta Federacije BiH.

B. Odluka o davanju saglasnosti za izradu Energetske strategije Federacije Bosne i Hercegovine za period 2015-2035 ,V. broj 624/2016.g., koju je donijela Vlada Federacije BiH i kojom je, tačkom II., dala saglasnost na predložene smjernice enegetske politike.

II CILJEVI

U periodu do izrade principa Politike za provođenje energijske efikasnosti u Federaciji Bosne i Hercegovine privremenim smjernicama politike za energijsku efikasnost osigurava se realizacija slijedećih ciljeva u sektoru energijske efikasnosti:

1. **pouzdanost, sigurnost i kvalitetno snabdjevanje energijom svih krajnjih kupaca (industrija, trgovina, domaćinstva i ostali...) u Federaciji Bosne i Hercegovine,**

2. **povećanje sigurnosti snabdijevanja energijom;**

3. dugoročan, uravnotežen i održiv razvoj energetskeg sektora kao jednog od glavnih pokretača i nosilaca ekonomskog rasta u Federaciji Bosne i Hercegovine,
4. promovisanje energijske efikasnosti i korištenja obnovljivih izvora energije ;
5. efikasno korištenje i proizvodnja električne energije (unaprijeđenje energijske efikasnosti u proizvodnji i potrošnji električne energije),
6. zaštita okoliša (smanjenjem negativnih uticaja na okoliš) uz rad na dostizanju standarda EU u pogledu zaštite okoliša i ispunjavanju normi definisanih u međunarodnim dokumentima (međunarodni sporazumi i konvencije, direktiva EU i dr.);
7. implementacija međunarodnih obaveza za uspješnu realizaciju Acquis Communautaire za energijsku efikasnost,
8. promovisanje investicija, stvaranje okruženja za privlačenje investicija te osiguranja održivog energetskeg razvoja i uvođenje novih tehnologija u energetskeg sektoru putem uključivanja i javnog i privatnog sektora;
9. harmonizacija zakonskih propisa Federacije BiH sa zakonskim propisima R Srpske za oblast energijske efikasnosti kao i usaglašavanje propisa nižih nivoa vlasti sa federalnim propisima za oblast energijske efikasnosti;

III PROGRAMI I AKTIVNOSTI ZA REALIZACIJU CILJEVA:

S ciljem osiguranja:

1. Pouzdanog, sigurnog i kvalitetnog snabdjevanja energijom svih krajnjih kupaca (industrija, trgovina, domaćinstva i ostali ...) u Federaciji Bosne i Hercegovine,
2. Povećanja sigurnosti snabdjevanja energijom;
3. Dugoročanog, uravnoteženog i održivog razvoja energetskeg sektora, kao jednog od glavnih pokretača i nosilaca ekonomskog rasta u Federaciji Bosne i Hercegovine,

Federalno ministarstvo energije, rudarstva i industrije (u daljem tekstu: Ministarstvo) će organizirati izradu, Vlada Federacije Bosne i Hercegovine (u daljem tekstu: Vlada Federacije) će predložiti, a Parlament Federacije Bosne i Hercegovine (u daljem tekstu: Parlament Federacije) donijeti Energetskeg strategiju Federacije Bosne i Hercegovine (u daljem tekstu: Energetskeg strategija Federacije) čiji je sastavni dio Strategija energijske efikasnosti Federacije BiH. Ministarstvo i Vlada Federacije će saradivati sa Republikom Srpskom i Vijećem Ministara Bosne i Hercegovine u izradi Energetskeg strategije za Bosnu i Hercegovinu.

Strategija energijske efikasnosti Federacije BiH će najmanje sadržavati:

-Strateški plan za implementaciju ciljeva energijske efikasnosti (EEAPF) koji sadrži:

- indikativne ciljeve za uštedu energije;
- smjernice za postizanje indikativnih ciljeva; i

-Akcioni plan koji definiše implementaciju strateškog plana i koji je instrument realizacije Strateškog plana energijske efikasnosti.

Strateški plan razvoja za implementaciju ciljeva energijske efikasnosti (EEAPF- Akcioni plan energijske efikasnosti) se, u skladu sa članom 12. Zakona, donosi :

(1) Na prijedlog Ministarstva EEAPF, pripremljen u saradnji sa nadležnim ministarstvima, donosi Vlada FBiH u roku od 90 dana od dana donošenja privremenih smjernica. EEAPF sadrži:

- a) indikativne ciljeve za uštedu energije za period od tri godine,
- b) mjere energijske efikasnosti za ostvarivanje indikativnih ciljeva za uštedu energije,
- c) vremenski okvir i nosioce aktivnosti za sprovođenje mjera za postizanje indikativnih ciljeva,
- d) procjenu rezultata napretka u ostvarivanju ciljeva iz prethodnog EEAPF-a (osim za prvi EEAPF) neposredno prije donošenja novog i
- e) procjenu finansijskih i drugih sredstava potrebnih za sprovođenje EEAPF-a, izvore i način njihovog obezbjeđivanja.

(2) Ministarstvo će pratiti provođenje EEAPF-a i podnijeti izveštaj o njegovoj realizaciji na usvajanje Vladi najkasnije do 30. aprila u tekućoj godini, za prethodnu godinu.

(3) Izmjene i dopune EEAPF-a vrše se po proceduri propisanoj Zakonom;

(4) Radi efikasnog provođenja mjera i postizanja indikativnih ciljeva iz EEAPF zakonom se može osnovati fond preko kojeg će se realizirati podrška za javni i privatni sektor s ciljem ispunjavanja obaveza poboljšanja energijske efikasnosti.

U svrhu realizacije navedenih ciljeva, Vlada Federacije BiH će raditi preko svojih predstavnika i odgovarajućih institucija i tijela na nivou Bosne i Hercegovine na:

- odgovarajućem praćenju Akcionog plana energetske efikasnosti države Bosne i Hercegovine i izvještavanju Sekretarijata Energetske zajednice o implementaciji istog iz razloga što je EEAPF sastavni dio APEEBiH. APEEBiH je plan energetske efikasnosti koji se, po osnovu međunarodnih obaveza Bosne i Hercegovine, donosi na državnom nivou.

i na nivou Federacije Bosne i Hercegovine na:

- odgovarajućem praćenju kantonalnih planova energijske efikasnosti,
- odgovarajućem praćenju programa poboljšanja energijske efikasnosti jedinica lokalne samouprave,
- odgovarajućem praćenju programa poboljšanja energijske efikasnosti velikih potrošača, i
- praćenju izvještaja o radu distributera energenata, operatora distributivnog sistema i snabdjevača energijom.

S ciljem osiguranja:

4. Promovisanja energijske efikasnosti i korištenja obnovljivih izvora energije

potrebno je:

- Uspostaviti Agenciju za energijsku efikasnost
- proširiti ovlaštenja i nadležnosti Fonda za zaštitu okoliša
- uspostaviti ekonomske podsticaje za promovisanje energijske efikasnosti
- izvršiti normativno prilagođavanje obrazovnog sistema

U skladu sa zakonskim rješenjima promovisanje energijske efikasnosti i korištenja obnovljivih izvora energije je dato u nadležnost Agenciji za energijsku efikasnost, gdje je definisano da su nadležnosti Agencije, između ostalog,:

- a) Promovisanje energijske efikasnosti i energijske uštede;
- b) Promovisanje korištenja energije iz obnovljivih izvora s ciljem poboljšanja kvaliteta okoliša i smanjenja emisije gasova sa stakleničkim efektom;

Do uspostave Agencije promovisanje energijske efikasnosti je u nadležnosti resornih ministarstava i Fonda za okoliš.

Da bi Fond za zaštitu okoliša u punom kapacitetu mogao preuzeti i ingerencije vezane za promociju energijske efikasnosti potrebno je izvršiti izmjenu postojeće djelatnosti Fonda proširenjem iste i na oblast energijske efikasnosti. Naprijed navedeno će se izvršiti donošenjem novog zakona.

U skladu sa zakonskim rješenjima promovisanje energijske efikasnosti je i u nadležnosti pravnih lica koja koriste i primjenjuju nove tehnologije i proizvode, a na osnovu kojih mogu ostvariti i ekonomske benefite.

Provedbeni propis o podsticajnim mjerama, načinu njihove raspodjele i definisanju kriterija za podsticanje energijske efikasnosti donosi Vlada na prijedlog Ministarstva u saradnji sa Federalnim ministarstvom prostornog uređenja.

Indikativni cilj ušteda u potrošnji finalne energije za 2018. godinu za Bosnu i Hercegovinu, prema konačnom nacrtu APEEBiH, u apsolutnom iznosu iznosi 12,47 PJ, odnosno 9% od osnovice potrošnje finalne energije (prosjeck potrošnje 2006.-2010.) koja je prema raspoloživim podacima i izvršenim proračunima iznosila 138,56 PJ.

Na osnovu gore definisanog idikativnog cilja za BiH/Federaciju BiH iz APEEBiH, Vlada Federacije, na prijedlog Ministarstva, treba da donese Strateški akcioni plan za energijsku efikasnost u Federaciji BiH u roku od 90 dana od donošenja Privremenih smjernica za energijsku efikasnost.

Imajući u vidu dosadašnje poteškoće oko donošenja APEEBiH i definisanja obaveza entiteta, s ciljem realizacije naprijed zacrtanog cilja, Vlada Federacija će pristupiti donošenju EEAPF kojim će se, iskazati realne mogućnosti Federacije BiH na implementaciji zadanih indikativnih ciljeva, uvažavajući efekte mjera koje se odnose na unapređenje energijske efikasnosti i uštede energije kod krajnjih kupaca.

Jedan od pravaca djelovanja u pravcu promovisanja energijske efikasnosti treba da bude rad na povećanju svijesti o važnosti energije i energijske efikasnosti u svakodnevnom životu kroz reorganizaciju programa u sistemu obrazovanja na način da se edukacijska materija inkorporira u postojeće programe tako što će se komplementarno oslanjati na redovno školsko/visokoškolsko gradivo.

S ciljem osiguranja:

5. Efikasnog korištenja i proizvodnje električne energije (unaprijeđenje energijske efikasnosti u proizvodnji i potrošnji električne energije),

Ministarstvo će pripremiti Akcioni plan za energijsku efikasnost i isti dostaviti Vladi Federacije na usvajanje.

S ciljem osiguranja:

6. zaštite okoliša (smanjenjem negativnih uticaja na okoliš) uz rad na dostizanju standarda EU u pogledu zaštite okoliša i ispunjavanju normi definisanih u međunarodnim dokumentima (međunarodni sporazumi i konvencije, direktiva EU i dr.).

7. Implementacije međunarodnih obaveza za uspješnu realizaciju Acquis Communautaire za energijsku efikasnost,

Vlada Federacije će osigurati primjenu važećih zakonskih propisa iz oblasti zaštite okoliša uključujući i transponovanje i implementaciju EU Direktiva kojim se definišu obavezni elementi zaštite okoliša.

Posebna pažnja će se posvetiti analiziranju mogućnosti primjene okolišnih kriterija i kriterija energijske efikasnosti na urbani razvoj s akcentom na urbani razvoj stanovanja, na način da se

navedeni kriteriji uključe u proceduru za izdavanje dozvola za građenje, odnosno, pokretanje inicijative za postizanje poreskih olakšica za projekte koje primjenjuju ove kriterije.

S ciljem osiguranja:

8. Promovisanja investicija, stvaranja okruženja za privlačenje investicija te osiguranja održivog energetskog razvoja i uvođenja novih tehnologija u energetskom sektoru putem uključivanja i javnog i privatnog sektora;

Vlada Federacije BiH je orjentisana ka poduzimanju svih neophodnih koraka koji će doprinijeti ubrzanom ekonomskom razvoju privrede u Federaciji BiH i BiH prvenstveno kroz:

- promovisanje primjene mjera energijske efikasnosti u procesu proizvodnje, prenosa, distribucije i potrošnje energije kod krajnjeg korisnika te razvojem zakonskog i institucionalnog okvira i poticajnim mjerama, stvoriti uslove za ubrzanje ovih procesa;
- uspostavu svih raspoloživih finansijskih mehanizama finansiranja (uključujući anuliranje evidentnih barijera na uspostavi istih) za implementaciju mjera energijske efikasnosti;
- razvoj u smjeru bolje i efikasnije iskorištenosti postojećih proizvodnih kapaciteta u energetskom sektoru;
- efikasno korištenje energije osiguravanje ravnomjerne raspoloživosti energije na prostoru Federacije BiH;
- stvaranje ambijenta za pokretanje obimnijih investicionih ulaganja u sektoru energijske efikasnosti;
- razvoj transportne infrastrukture uključivanjem i mjere energijske efikasnosti;
- uvođenje novih tehnologija u energetskom sektoru s ciljem primjene mjera energijske efikasnosti;
- jačanje energetske baze Federacije BiH izgradnjom novih efikasnih energetskih/elektroenergetskih objekata iz obnovljivih izvora energije kako bi se zadovoljile vlastite potrebe za energijom, odnosno obezbijedili uslovi za energetski suficit, uz brigu za okoliš;
- podržavanje ekonomski isplativih razvojnih projekata širenja efikasne transportne i distributivne infrastrukture,
- podsticanje primjene kogeneracijskih i trigeneracijskih postrojenja u industriji;
- rad na realizaciji zahtjeva koji se tiču unaprjeđenja pokazatelja energijske efikasnosti, učešća goriva porijeklom iz biomase i smanjenja emisije štetnih gasova u atmosferu;
- obezbjeđivanje planskog povećanja korištenja energije iz OIE, što će rezultirati smanjenjem emisije štetnih gasova;
- preferiranje angažmana domaće komponente u proizvodnji opreme i postrojenja za korištenje obnovljivih izvora energije, s ciljem implementacije mjera energijske efikasnosti;
- preferiranje angažmana domaće građevinske infrastrukture u proizvodnji opreme i ugradnje opreme s ciljem implementacije mjera energijske efikasnosti,

S ciljem obezbjeđenja:

9. harmonizacije zakonskih propisa Federacije BiH sa zakonskim propisima R Srpske za oblast energijske efikasnosti kao i usaglašavanju propisa nižih nivoa vlasti sa federalnim propisima za oblast energijske efikasnosti;

Vlada Federacije BiH će raditi na harmonizaciji zakonskih propisa Federacije BiH sa zakonskim propisima R Srpske za oblast energijske efikasnosti kroz;

- aktivno učestvovanje u eventualnom donošenju propisa i akata koji uređuju ovu oblast na nivou BiH;
- aktivan rad na animiranju svih političkih i drugih faktora na nivou entiteta i države u pravcu iznalaženja mogućnosti za objedinjavanje sektora energijske efikasnosti na nivou BiH, kao i identifikaciji i realizaciji planskih zadataka iz Akcionog plana energetske efikasnosti Bosne i Hercegovine/Akcionog plana energijske efikasnosti Federacije Bosne i Hercegovine;
- aktivan rad na uspostavljanju institucionalnog okvira/agencije za energijsku efikasnost u Federaciji BiH, uključujući i pružanje podrške inicijativi formiranja istih na nivou države Bosne i Hercegovine;
- u skladu sa propisima koji regulišu oblast javnih nabavki, korisnici sredstava budžeta Federacije ili budžeta kantona ili jedinica lokalne samouprave, pri odlučivanju o izboru dobavljača u postupku javne nabavke, energijsku efikasnost robe i usluga trebaju ocjenjivati zajedno sa ostalim kriterijima i prioritet će biti dati, pod jednakim uslovima, za nabavku opreme i usluga koje omogućavaju veći stepen energijske efikasnosti.

Vlada Federacije Bosne i Hercegovine

Vlada Federacije BiH (u daljem tekstu: Vlada) će raditi na implementaciji Zakona o energijskoj efikasnosti u Federaciji Bosne i Hercegovine i odredbi iz Ugovora o uspostavi Energetske zajednice u oblasti energijske efikasnosti, uključujući izradu i donošenje potrebnih provedbenih akata usklađenih sa specifičnostima, nadležnostima i odgovornostima u okviru energijske efikasnosti u Federaciji BiH na sljedeći način:

- u roku od 60 dana od stupanja na snagu Zakona o energijskoj efikasnosti u Federaciji BiH, na prijedlog FMERI, Vlada će odlukom utvrditi privremene smjernice politike za provođenje energijske efikasnosti.
- u roku od 90 dana od donošenja privremenih smjernica, na prijedlog FMERI, Vlada će donijeti Akcioni plan za energijsku efikasnost u Federaciji BiH (EEAPF), pripremljen u saradnji sa nadležnim ministarstvima;
- Vlada će utvrditi prijedlog zakona o Fondu za zaštitu okoliša i energijsku efikasnost Federacije BiH i proslijediti u parlamentarnu proceduru;
- Vlada će, u skladu sa ovim Zakonom, na prijedlog FMERI, donijeti podzakonske propise pripremljene u saradnji sa Federalnim ministarstvom prostornog uređenja, Federalnim ministarstvom okoliša i turizma i Federalnim ministarstvom prometa i komunikacija;
- Vlada Federacije BiH će posebnim propisom uspostaviti i urediti pitanja vezana za nadležnost, statusna pitanja i organizaciju Agencije;
- U roku od 90 dana od dana donošenja EEAPF-a, Vlada će donijeti trogodišnji Operativni plan za poboljšanje energijske efikasnosti u federalnim institucijama uprave,
- Vlada će donijeti Uredbu kojom se, između ostalog, propisuju: a) način, uslove i rokove provođenja energijskih audita, b) sadržaj izvještaja o energijskom auditu, c) način i metodologiju energijskog certificiranja zgrada uključujući definisanje vrste zgrada na koje se

certifikat odnosi, d) sadržaj i izgled certifikata, e) zgrade javne namjene koje imaju obavezu energijskog audita i javnog izlaganja energijskog certifikata, f) tipove zgrada prema namjeni i broju sati grijanja, g) način utvrđivanja energijske klasifikacije zgrada, h) sadržaj i način vođenja registra pravnih i fizičkih lica ovlaštenih za obavljanje energijskih audita u vidu elektronske baze podataka, i) sadržaj i način vođenja registra uspješno obučeni stručno kvalifikovanih lica koja provode energijske audite, j) način i uslove provođenja nezavisne kontrole izvještaja o provedenim energijskim auditima i izdanim certifikatima, k) sadržaj i način vođenja registra izdatih certifikata te druga pitanja vezana uz provođenje energijskih audita i energijskog certificiranja zgrada.

- Vlada će, na prijedlog FMPU, odlukom propisati najviši iznos naknade za usluge energijskog audita.
- Vlada će imenovati Stručni odbor za energijsku efikasnost
- Vlada će, na prijedlog FMERI sačinjen u saradnji sa FMPU, donijeti Provedbeni propis o podsticajnim mjerama, načinu njihove raspodjele i definisanju kriterija za podsticanje energijske efikasnosti,
- Vlada Federacije BiH, na prijedlog FMERI i FMPU može donijeti poseban propis kojim će odrediti godišnju naknadu, koja se uplaćuje Fondu, u kojem slučaju, Distributer energenata, operator distributivnog sistema i snabdjevač energijom ne bi bili dužni omogućiti krajnjim potrošačima energije energijske usluge i energijske audite.

Nadležna resorna ministarstva u Federaciji BiH djelovati će na slijedeći način:

- FMERI provodi politiku poboljšanja energijske efikasnosti.
- FMERI priprema i Vladi Federacije BiH dostavlja usaglašen prijedlog podzakonskih akata koje, u skladu sa ovim zakonom donosi Vlada.
- U pogledu provođenja politike poboljšanja energijske efikasnosti FMERI koordinira druge organe uprave, ustanove, javna preduzeća i zainteresovane strane.
- FMERI učestvuje u pripremi propisa neophodnih za usklađivanje zakonodavstva Federacije Bosne i Hercegovine sa propisima o energijskoj efikasnosti koji su na snazi u Energetskoj zajednici.
- FMERI utvrđuje Metodologiju za izračunavanje indikativnih ciljeva;
- Do uspostavljanja Agencije poslove koji će obezbjediti postizanje indikativnih ciljeva obavljace FMERI u saradnji i koordinaciji sa FMPU, FMOIT i FMPIK, a u skladu s njihovim nadležnostima.
- FMERI će pratiti provođenje EEAPF-a i podnijeti izveštaj o njegovoj realizaciji na usvajanje Vladi najkasnije do 30. aprila u tekućoj godini, za prethodnu godinu.
- Ministar FMERI donosi propis kojim se utvrđuje granična vrijednost energije za određivanje statusa velikog potrošača, sadržaj programa za poboljšanje energijske efikasnosti,
- FMERI vrši procjenu Kantonalnih planova energijske efikasnosti koje vlade kantona dostavljaju s ciljem procjene njihove usaglašenosti sa EEAPF-om.
- FMERI radi provjeru Programa poboljšanja energijske efikasnosti velikih potrošača radi provjere usklađenosti sa planom usvojenim na kantonalnom nivou i EEAPF-om.
- FMERI donosi Obrazac izvještaja o radu distributera energenata, operatora distributivnog sistema i snabdjevača energijom koji su dužni ministarstvu podnositi jednom godišnje.
- Ministar FMERI donosi Propis kojim pravno lice koje posjeduje ovlaštenje za obavljanje energijskih audita i/ili energijskog certificiranja zgrada može da sprovodi redovne energijske audite sistema centralnog grijanja, kao i sistema za klimatizaciju zgrade
- Ministar FMERI Propis kojim se definiše energetski audit koji se odnosi na vlasnike zgrade ili posebnog dijela zgrade sa ugrađenim sistemom centralnog grijanja na bazi tečnih, gasovitih ili čvrstih goriva, nominalne snage više od 20 kW i sa ugrađenim sistemom za klimatizaciju nominalne snage 12 kW,
- Ministar FMERI, posebnim propisom, definiše izgled i sadržaj naljepnice koje moraju posjedovati

proizvodi koje dobavljači i/ili distributeri proizvoda stavljaju u promet a odnose se na podatke o energijskoj efikasnosti proizvoda u zavisnosti od vrste, kategorije, karakteristika i minimalnih zahtjeva za energijsku efikasnosti proizvoda,

- Ministar FMERI, posebnim propisom definiše izgled i sadržaj odnosno Nacrt modela Ugovora o energijskom efektu,
- Ministar FMERI, posebnim propisom će odrediti sadržaj, strukturu i način prikupljanja i pružanja informacija, formu i sadržaj izvještavanja u okviru Informacionog sistema..
- Pravilnik o minimalnim zahtjevima za energijskim karakteristikama zgrada donosi ministar FMPU;
- Propis o postupku za izračunavanje optimalnih troškova minimalnih zahtjeva za energijskim karakteristikama zgrada donosi ministar FMPU.
- Ministar FMPU, daje, obnavlja, mijenja ili oduzima Ovlaštenja za obavljanje energijskih audita, u skladu sa prijedlogom Stručnog odbora za energijsku efikasnost;
- FMPU, do uspostave Agencije, vodi javni registar pravnih lica ovlaštenih za obavljanje energijskih pregleda u vidu elektronske baze podataka, kao i registar uspješno obučениh stručno kvalifikovanih lica koja provode energijske preglede,
- Ministar FMPU, na prijedlog Stručnog odbora, rješenjem imenuje Komisiju za nezavisnu kontrolu provođenja postupka energijskih audita
- Ministar FMPU, na prijedlog kantonalnih ministarstva nadležnih za prostorno uređenje, institucija nadležnih za kulturno-historijsko naslijeđe i vjerskih zajednica utvrđuje listu zgrada i drugih izgrađenih objekata na koje se ne odnose obaveze da projekat za izgradnju nove zgrade, značajna obnova postojeće zgrade mora biti u skladu sa zahtjevima za energijskim karakteristikama zgrada
- Nadzor nad zakonitošću upravnih i drugih akata koje donose nadležni organi kao i nadzor nad njihovim postupanjem obavlja FMERI i FMPU, svako u okviru svojih nadležnosti,
- Inspekcijski nadzor nad sprovođenjem odredbi ovog zakona vrši Federalna uprava za inspekcijske poslove, i građevinske inspekcije ustanovljene propisima na kantonalnom nivou.

Kantoni u Federaciji BiH djelovati će na slijedeći način:

Vlade kantona, ili od nje zaduženi organ uprave, u provođenju ovog zakona su zadužene da:

- u roku od šest mjeseci od dana donošenja EEAPF-a donosu Plan energijske efikasnosti na svom području, usaglašen sa Strategijom i EEAPF-om i pripremljen u saradnji sa organima lokalne samouprave, ekonomskim udruženjima i udruženjima za zaštitu okoliša te drugim zainteresovanim licima, (sastavni dio Plana energijske efikasnosti na području kantona su Planovi za unapređenje energijske efikasnosti javnih institucija ustanovljenih na nivou kantona).
- upravljaju potrošnjom energije u zgradama koje organi vlade, javne službe i preduzeća čiji je osnivač kanton, koriste za obavljanje djelatnosti,
- utvrđuju podsticajne mjere za poboljšanje energijske efikasnosti,
- vode informacioni sistem energijske efikasnosti na nivou kantona, i
- pružaju stručnu pomoć jedinicama lokalne samouprave na izradi programa poboljšanja energijske efikasnosti radi njihovog usklađivanja sa EEAPF-om.
- Kantoni su dužni Agenciji, odnosno Fondu za zaštitu okoliša Federacije BiH dostavljaju podatke o godišnjoj potrošnji energije u zgradama i drugim izgrađenim objektima koje koriste, sa opisom faktora koji utiču na nivo potrošnje, ne kasnije od 1. marta tekuće godine za prethodnu godinu.

Jedinice lokalne samouprave djelovati će na sljedeći način:

- u roku od šest mjeseci od dana donošenja kantonalnih planova energijske efikasnosti će donijeti općinske i/ili gradske Programe poboljšanja energijske efikasnosti, usaglašene sa EEAPF-om.
- upravljaju energijom u zgradama i drugim izgrađenim objektima koje, za obavljanje djelatnosti, koriste organi lokalne samouprave, javne službe i javna preduzeća čiji je osnivač lokalna samouprava,
- informišu građane o mogućnostima poboljšanja energijske efikasnosti, značaju i efektima primjene mjera energijske efikasnosti u stambenim objektima u vlasništvu građana,
- informišu poslovne subjekte o mogućnostima poboljšanja energijske efikasnosti, značaju i efektima primjene mjera energijske efikasnosti u poslovnim objektima,
- utvrđuju podsticajne mjere za poboljšanje energijske efikasnosti i
- vode informacioni sistem potrošnje energije u zgradama u skladu sa Zakonom
- Program poboljšanja energijske efikasnosti prije usvajanja, dostavljaju vladi kantona s cijem procjene njegove usaglašenosti sa Planom energijske efikasnosti na području kantona.
- Jedinice lokalne samouprave dužne su Agenciji, odnosno Fondu za zaštitu okoliša Federacije BiH koji vodi Informacioni sistem energijske efikasnosti u Federaciji do uspostave Agencije, dostavljati podatke o godišnjoj potrošnji energije u zgradama i drugim izgrađenim objektima koje koriste, sa opisom faktora koji utiču na nivo potrošnje, ne kasnije od 1. marta tekuće godine za prethodnu godinu.

Planovi održivog upravljanja energijom (SEAP) lokalnih zajednica, napravljeni u okviru projekta „Sporazum gradonačelnika“, se priznaju kao Program poboljšanja energijske efikasnosti, pod uslovom da su usklađeni sa Planom energijske efikasnosti na području kantona.

Javni sektor obavezan je djelovati na način:

- organi javne uprave, organizacije, regulatorna tijela, javne ustanove, agencije, jedinice lokalne samouprave i javna preduzeća su dužna da vrše upravljanje energijom u prostorijama u kojima posluju i drugim sredstvima sa kojima posluju.
- vrši obuku i edukaciju svojih zaposlenih, kao i uspostavljanje i sprovođenje kriterija energijske efikasnosti u postupcima nabavke dobara i usluga.
- subjekti u javnom sektoru će:
 - a) periodično, a najmanje jednom godišnje analizirati potrošnju energije;
 - b) provoditi energijski audit, u skladu sa ovim zakonom i drugim propisima koji regulišu ovu oblast i obezbijediti dobijanje Certifikata o energijskoj efikasnosti objekata u funkciji javnog sektora;
 - c) usvojiti program poboljšanja energijske efikasnosti;
 - d) implementirati mjere programa energijske efikasnosti;
 - e) provoditi, održavati i razvijati sistem informacija o energijskoj efikasnosti, a posebno sistem kontrole nad potrošnjom energije;
 - f) dostavljati Agenciji/Fondu podatke o ukupno utrošenoj energiji

Organi uprave, jedinice lokalne samouprave, javna preduzeća, javne ustanove i druge organizacije koje vrše javna ovlaštenja, koji koriste zgrade ili dijelove zgrade koje imaju ukupnu korisnu površinu podova veću od 500 m², moraju ugovoriti energijski audit najkasnije godinu dana od dana stupanja na snagu ovog zakona.

Veliki potrošači djelovati će na sljedeći način:

- u roku od 90 dana od dana donošenja Plana energetske efikasnosti kantona, će donijeti Program poboljšanja energetske efikasnosti za period od tri godine,
- uspostaviti adekvatnu organizacionu strukturu za upravljanje energijom i odrediti lice odgovorno za upravljanje energijom;
- obezbijediti sprovođenje energetske audita i primjenu ekonomski isplativih mjera energetske efikasnosti;
- uspostaviti odgovarajući informacioni sistem kojim će obezbijediti evidenciju praćenja potrošnje energije.
- Program uskladiti sa planom usvojenim na kantonalnom nivou i EEAPF-om;
- do 1. marta tekuće godine, FMERI dostaviti izvještaj o sprovođenju Programa poboljšanja energetske efikasnosti velikog potrošača.

Distributeri energenata, operatora distributivnog sistema i snabdjevač energijom djelovati će na sljedeći način:

- jednom godišnje dostaviti FMERI izvještaj o radu, koji obuhvata:
 - a) pregled isporučene energije i energenata, prema strukturi krajnjih potrošača energije, kategoriji i vrsti potrošnje;
 - b) geografsku lokaciju njihovih krajnjih potrošača energije;
 - c) procjenu stanja energetske efikasnosti krajnjih potrošača energije;
 - d) prijedloge za mjere poboljšanja energetske efikasnosti kod krajnjih potrošača energije;
 - e) druge podatke, koji mogu da budu relevantni za energetske efikasnost kod krajnjih potrošača energije.

Dobavljači i distributeri proizvoda koji koristi energiju djelovaće na sljedeći način:

- Dobavljači i/ili distributeri proizvoda koji koriste energiju dužni su da obezbijede tehničku dokumentaciju proizvoda na službenim jezicima Bosne i Hercegovine, u kojoj se navodi količina energije koja se troši upotrebom proizvoda u uobičajenim radnim uslovima.
- Dobavljači i/ili distributeri proizvoda dužni su da u promet stavljaju samo proizvode koji imaju naljepnicu sa podacima o energetske efikasnosti proizvoda.
- Naljepnica mora biti vidno istaknuta i fiksirana na proizvodu u objektu u kojem se proizvod prodaje, te vidljiva u oglasu kojim se proizvod reklamira.

Fond za zaštitu okoliša Federacije BiH djelovaće na sljedeći način:

- finansijski podržavati projekte poboljšanja energetske efikasnosti.
- do uspostavljanja Agencije, uspostavlja, vodi i održava informacioni sistem energetske efikasnosti.
- svakih šest mjeseci izvještajem dostavlja podatke iz informacionog sistema nadležnim ministarstvima.